



2. Radunanza cumünela dals 28.3.2018 a las 20.00 in sela polivalenta S-chanf

Presidi: Gian Fadri Largiadèr

Actuar: Gian Luca Vitalini

Preschaints: Preschaints sun 27 votantas e votants

Büro electorel: Maura Romeiro Duschletta, Steivan Luzi

Tractandas:

1. Protocols da las radunanzas cumünelas dals 15 november 2017, 13 december 2017 e dals 31 schner 2018.
2. Proget Bos-chetta Plauna – Lingia d’ova persa, dumanda da credit fr. 360'000.00.
3. Proget Chapella-Tulait – Lavuors d’infrastructura, dumanda da credit fr. 560'000.00.
4. Varia

Il president spiega la radunanza cumünela cha'l proget Chapella-Tulait vegn spusto dal uffizi da construcziun bassa dal chantun Grischun sül futur. La suprastanza cumünela refüsa quist proget sül futur e retira quista tractanda. Il proget Chapella-Tulait vegn spusto dal uffizi da construcziun bassa dal chantun Grischun sün l'an 2019 u 2020.

La glista da tractandas vain approveda sainza tractanda 3.

Protocol: Ils protocols da las radunanzas cumünelas dals 15 november 2017, 13 december 2017 e dals 31 schner 2018 vegnan approvos culla resalva, cha la remarcha culla completaziun da G.A. Bott vegn resguardo aint il protocol dals 15 november 2017.

5 7.100 Chanalisaziun/sarinera Proget Bos-chetta Plauna – Lingia d’ova persa, dumanda da credit fr. 360'000.00

In connex cul schlargiamaint da la deponia Bos-chetta Plauna staun gnir transferidas las novas lingias i'l nouv perimeter da la deponia. Siand cha l'EKW fabrica per l'incumbenza da la Swissgrid AG üna nouva lingia da cabels 110/16-kV traunter Pradella e Zuoz/Resgia es previs da depositer la lingia i'l sector da la deponia i'l foss ingrandieu da l'EKW. Per üna transmissiun dal cuosts resultos sülla direcziun da la deponia, Bos-chetta Plauna SA, es da definir e realiser üna clef da spartiziun dals cuosts. Per pudair realiser la lavuors da fabrica necessarias sun previs i'l plan d'investiziuns fr. 280'000.00. Tenor las

offertas inoltredas s'amuntan ils cuosts sün fr. 360'000.00. La suprastanza cumünela dumanda la radunanza cumünela d'approver il credit da fr. 360'000.00. Zieva animeda discusiun decida la radunanza cumünela cun granda magiurited e quatter cuntravuschs d'approver la dumanda da credit da fr. 360'000.00.

6 9.999 Varia

Il president spiega la radunanza cumünela sur il proget a Chapella. La punt sur il Vallember vegn fabricho nouv e fat duos novs attachs. Fin la fin da la sted 2018 vegn glivro la via fin la chamanna d'imundizchas a Chapella. Impü infurmescha el, cha a la prosma radunanza cumünela vegn tractando las lavuors d'infrastructura a Susauna.

I vegn surdo il pled a Curdin Barblan, chi spiega sur dal proget da surpiglier la rait da forz'electricica da la Repower AG. Impü giavüscha Curdin Barblan d'eleger üna cumischiun d'electricited per quista chosa a la prosma radunanza cumünela ils 25 avrigl 2018.

Gian Andrea Bott fo la dumanda che chi capita culs parkegis chi sun piglios a fit da la viafier Retica tar la staziun da S-chanf e Cinuos-chel. El as dumanda scha quels as rendan auncha da piglier a fit, scha tuot ils parkegis sajan gratuit a S-chanf. La suprastanza cumünela piglia sü quista dumanda. Impü fo El la dumanda regard ils protocols da la suprastanza cumünela in connex cul principi public. Cha la suprastanza veglia ho adüna publico tuot il protocol e na be ün riassunt da las tschantedas da la suprastanza cumünela. La suprastanza cumünela piglia eir sü quist punct.

Linard Parli fo la dumanda scu cha que saja in futur per ir a trer il tir obligatoric. Il president spiega cha la vschinauncha da S-chanf es in trattativas culla vschinauncha da Zuoz in quista chosa, e cha la populaziun vegn infurmeda sur quist tema.

Jon Pedier Lemm pretenda cha la suprastanza cumünela prepara per la prosma radunanza cumünela, ils 25 avrigl 2018 la tractanda regard ün regulativ per l'adöver da la lingia d'ova traunter S-chanf e Zuoz.

Il president serra la radunanza a las 20.45 ed ingrazcha a tuot ils preschaints per lur cumparsa.

In buna fè

Il president:

L'actuar:

G. Largiadèr

G. L. Vitalini